

内蒙古文化出版社

布尼阿林诗词楹联选

溥杰



下卷

内蒙古文化出版社

布尼阿林詩詞楹聯選

溥杰



布尼阿林 著

謹以此书纪念

避暑山庄肇建三百周年

纪念建军六十五周年

一九九二年八月一日

一声炮火起南昌，响彻云霄震八方。万里长城环铁壁，九州巨野筑铜墙。三军踊跃雄风展，百族团圆正气扬。六五春秋光史册，江山永固若金汤。

辽西纪行五首

一九九二年八月廿日至廿一日

过朝阳

凌水奔流不计年，朝阳三塔尚巍然。千秋重镇雄辽右，一代名厅冠热

边。虎岭北横形蔽地，间山南峙势参天。柳城故郡营州境，九凤腾飞耀史篇。

访阜新

吐默特川雁塞横，屏藩朔漠卫辽宁。民殷物阜煤如海，林茂花新柳作城。北近草原山莽莽，南临义锦水盈盈。东陲重镇多形胜，引得游人无限情。

访查海遗址

古遗址位于阜新蒙古族自治县沙拉乡查海村，东西长约四百米，南北宽三百米，文化层厚一米左右，一九八七至一九八八年正式发掘，房址分布密集，出土打制石器、压印之字纹陶器及玉玦等，是一处七千至八千年前人类居住址。辽宁省政府于一九八八年公布为省级文物保护单位。

万里神州第一村，八千年史古遗存。偶从地表寻残迹，闲向田边觅旧痕。一座穹庐留左证，几堆陶片辨奇纹。多元一体开宏论，华夏文明举世闻。

大清沟水库荡舟

天下奇沟数大清，平湖十里碧波澄。荡舟水上多奇趣，击水船头有逸情。四面云山环叠嶂，几重烟树列围屏。柳河滚滚南流急，长送涛声日夜鸣。

宿彰武

沈北辽西一古城，由来彰武锡嘉名。固沙远列防风带，引水遥通哲木

盟。酒味香留千里客，夜光明聚万家灯。诘朝又上东行路，相对依依诉别情。

伊通纪事五首

一九九二年八月二十二日至二十七日

参观第四届全国珍珠球邀请赛

八方健将会伊通，飒爽英姿武士风。球艺翩翩联谊厚，族情脉脉众心同。曼殊体育师传统，长白珍珠练采工。为夺金牌操胜算，当仁不让各争雄。

为伊通满族民俗馆题句

七星山下展鸿猷，新馆巍峨壮旧州。肃慎敦庞遗俗在，曼珠纯朴古风留。八旗弓矢传骑射，一代衣冠胜冕旒。追本溯源承教化，开来继往颂千秋。

再题伊通满族民俗馆

宏馆新开气势雄，神州第一数伊通。百年旧物传民俗，八角崇楼展族风。史述曼珠绵奕叶，文源萨满觅遗踪。而今敢创千秋业，伫看光前裕后功。

刘俊玲副县长索书吟此以奉

地灵人杰属伊通，水秀山清接海东，自古乌苏多志士，当今巾帼出英雄。左文右体双肩重，春雨秋风四季同。俊逸玲珑别有致，雍容大度竹成胸。

留赠孙英林诗家暨伊通诸诗友

伊通河畔气萧森，胜地葱茏集士林。诗苑词坛逢益友，高山流水遇知音。清茶喜向杯中饮，好句欣从座上吟。坦荡如公诚可贵，倾谈侃侃动余心。

壬申中秋对月有怀三首

一九九二年九月十一日

月到中秋分外明，倚楼遥望水盈盈。何时共剪西窗烛，畅叙殷殷骨肉情。

其二

别梦依稀四十年，每逢佳节倍情牵。不知两岸同欢日，尚待天官月几圆。

其三

月照天涯共此时，迢迢东望倍相思。今逢佳节无他赠，聊寄抒情几首诗。

庆祝国庆四十三周年

一九九二年十月一日

国庆欣逢四十三，群黎共沐党恩覃。千年禹甸山皆绿，万里神州水尽蓝。改革大潮掀塞北，振兴巨浪卷江南。乘风再上长征路，快马加鞭不解骖。

壬申中秋夜月夜诗三首

壬申重陽口占二首

一九九二年十月四日

屈指重陽節又臨，秋風瑟瑟氣蕭森。紅霞燦爛連天赤，黃菊蔥茏遍地金。翰墨因緣娛晚景，詩書樂趣會童心。不愁白发催人老，猶作謳歌盛世吟。

其二

重陽佳節喜登高，一覽群山興倍豪。孟氏凌風曾落帽，劉郎得句不題糕。吟秋北塞猶思杜，采菊東籬欲效陶。遍插茱萸怀旧雨，添來詩意漫揮毫。

题明长城东端虎山长城遗址

一九九二年十月二十日

雉堞巍峨峙虎山，明城迢递此东端。双峰北耸连天际，一水南流入海湾。残壁斑斑犹可考，断垣叠叠亦能攀。弘扬旧物光华夏，艮域重修第一关。

壬申立冬雪后游山庄

一九九二年十一月七日

冬季才逢大雪飘，山庄秋色黯然销。林间夜满花千树，堤畔朝垂丝万条。御苑装成银世界，澄湖铺就玉波涛。游人也解丰年兆，结伴欢歌过小桥。

题「乾隆醉」酒

一九九二年十一月十日

板城烧酒世无俦，秘制传承二百秋。碗液香浓青雀舫，琼酥味郁翠裘楼。举杯莫惜千回醉，把盏能消万古愁。若使乾隆今尚在，当惊佳酿遍神州。

承德市荣获国家级双拥模范城称号喜赋

一九九二年十一月十二日

文明福地冠嘉名，双拥荣膺模范城。到处联欢歌壮曲，连年共建奏新声。同心久结军民谊，携手深怀鱼水情。千里塞垣今益固，铜墙铁壁护神京。

自京返承遇雪夜宿长山峪

一九九二年十一月十八日

直北雄关夜寂寥，太师屯外雪花飘。漫天洒彻金山岭，遍地迷横玉带桥。滚滚车轮难进尺，茫茫驿路欲停轺。有缘来宿长山峪，客舍孤灯伴一宵。

江城忆旧书赠惠均学弟

一九九二年十一月二十七日

江城负笈太匆匆，明德寮中溯旧踪。乌拉当年欣乍识，木兰昨日喜重逢。冬来每忆堤边柳，雪后长看塞上松。回首沧桑俱往矣，白头笑对晚霞红。

《满语研究》创刊七周年志贺

一九九二年十二月七日

鸿刊首创七经年，史册新图锦绣篇。山接九重果勒敏，江流万里萨哈连。文渊浩浩深千尺，语海滔滔汇百川。继往开来功卓著，曼珠秘籍赖薪传。

承德民族师专建校八十五周年暨更名庆典志贺

一九九二年十二月十九日

木铎金声震九州，沧桑八十五春秋。编成旧史添新志，冠上新名续旧畴。桃李争荣齐灿烂，栋梁辈出竞风流。尊师重道承前训，继往开来展壮猷。

书赠胡广义同志

一九九二年十二月一日

边城风雨起苍黄，长夜将明现曙光。双凤村头辞故里，九龙山下咏甘棠。神州远播珍珠韵，朔塞常留翰墨香。耿耿壮怀犹未已，关心国事为兴邦。

书赠沈以澄女史

一九九二年十二月二十七日

寻幽揽胜到山城，千里迢迢记远行。紫塞初逢真有幸，黄山重晤倍多情。同登北海瞻云谷，遥望天都倚玉屏。迎客松前犹缱绻，而今回首岁频更。

《燕京杂记》卷四十四